



12 FEB. 2018

Uunga
Inatsisartunut ilaasortaq
Laura Táunâjik
Siumut

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

**Angerlarsimaffiup avataani inissiineq il. il. pillugit § 37 naapertorlugu Inatsisartu-
nut ilaasortap Laura Táunâjik Siumumeersup apeqqutaanut nr. § 37-237-imut akis-
sutit.**

07-02-2018
Suliap nr. 2018 - 3178
Akt id 7237589

Meeqqat angerlarsimaffiup avataanut inissineqarsimasut ilaquuttaminnut uteqqissinnaa-
nerat pillugu apeqqutinut nassiuissimasannut qujanaq.

Postboks 260
3900 Nuuk
Oqarasuaat (+299) 34 50 00
Naqitanik nassisigasuaat +299
34 66 66
Mail: inian@nanoq.gl
www.naalakkersuisut.gl

- 1. Meeraq angerlarsimaffiup avataanut inissineqarsimappat angajoqqaarlu
(angajoqqaallu) imigassamik ajornartorsiuteqarnertik pillugu katsorsartissi-
mappata allatigulluunniit pitsan-ngoriarnermik ingerlariaqqissimappat/ta taava
qaqugukkut meeraq angajoqqaaminut utertinneqaqqissinnaalernissaa naa-
tsorsuutigineqassava?**

Meeraq angerlarsimaffiup avataanut inissineqartarpoq meeqqap angajoqqaaminit
atugarissaarnissamut, peqqissuunissamut ineriartornissamullu kiisalu
isumassuinnikkut toqqissisimanartumik avatangiiseqartinneqarluni inersimasunullu
patajaatumik attaveqarsinnaalluni peroriartortinneqarsinnaanngikkaangat .
Meeqqap angerlarsimaffiani pissutsinik ataatsimut nalilersuinermi pissutsini
taakkunani ataaseq arlallilluunniit tunngavilersuutigineqarsinnaapput.

Meeraq angerlarsimaffiup avataanut inissineqassappat Meeqqat tapersorneqar-
nissaannut Inatsisartut inatsisaat nr. 20, 26. juni 2017-imeersoq tunngavigineqartar-
poq. Tassani kapitali 11 Ikiorsiinermi suliniutit unitsinneqarneri § 40 imm. 1-imi allas-
simavoq meeqqamut ikiorsiissuteqarluni suliniutit unitsinneqassasut, sulineri angu-
niarneqartut anguneqarpata, imaluunniit ikiorsiinermik suliniuteqarnikkut siunertari-
neqartut tunngavissaaruppata.

Inissiinerup atorunnaarsinnissaanut aalajangiisoqannginnerani kommunalbestyrelsip
Inatsisartut inatsisaat nr 20, 26. juni 2017-imeersumi § 41 naapertorlugu pissutsit pi-
ngaarutillit tallimat qulaajaqqaassavai.

Tassani piunasaqaataapput;

1. Angajoqqaatut oqartussaassuillip meeqqap pisariaqartitaanik
naammassinnissinnaanera, (ilaatigut ikiuinissamik
suliniuteqarfigineqarluni)
2. Meeqqamik oqaloqatiginnittoqarsimanera
3. Inissiiffiusumit allaganngorlugu oqaaseqaammik
pissarsiniartoqarsimanera,

4. meeqqap angajoqqaallu angerlartitsinissamut piareersarluarsimanerat, aamma
5. angerlartitsinissamut iliuusissanut pilersaarusiortoqarsimanagera

Meeqqap ukiui ineriartorneralu naapertorlugit meeqqap pisariaqartitai allanngoriar-tortarput, kisianni meeqqap ineriartornerani nakkutigineqartussat tassaapput meeqqap peqqissusaa, ilinniarnera atuarneralu, misigissutsikkut pissutsikkullu ineriartornera, kinaassusaa, inuit akornanni saqqumissusaa, nammineersinnaanera, imminut isumassornera, ilaqtat inuillu akornanni attaveqarnera il. il.

Angajoqqaatut oqartussaasut meeqqap pisariaqartitaannik naammassinnissinnaa-neri pillugit kommunalbestyrelse nalilersuinnginnermini pissutsit inissiinermi pissu-taasimasut aqqinneqarsimanersut nalilersoqqaassavaat. Tassa imaappoq, uani misissuinissami angajoqqaatut oqartussaassuseqartut atugarisaat angajoqqaatullu piginnaasaat nalilersoqqinneqassapput. Angajoqqaatut akisussaaffeqartut atorner-luisuujunnaarsimanerat pillugu aalajangiinissaq sioqqullugu pissutsit pillugit misissuinissaq inatsisip oqaaseqaataanni allassimavoq, kisianni aamma pissutsit allat soorlu angajoqqaat isumassuisinnaassusaa, isumannaallisaaneq, misigissutsitigut kissalaartuuneq, kaammattuisarneq, siunnersuineq, killilersuineq, patajaatsuuneq il.il. ilanngunneqassallutik.

Taamaammat angajoqqaatut akisussaaffeqartut siuariarsimaneranik takutitsinerat, katsorsarneqarsimanerat imaluunniit ilorraat tungaanut nikeriarsimanerat naamman-gilaq. Soorlu qulaani allassimasoq, meeqqap angajoqqaaminut uteqqissinnaanera pillugu pissutsit arlaqartut nalilersorneqaqqaartariaqarput, nalilersuinerup takutissammagu meeqqap angajoqqaaminut uteqqinnissaa pitsaanerpaajunersoq.

2. Meeraq angajoqqaaminut uteqqinnissaminut Kommune piaartumik aalaja-ngeerusungikkaangat pinartumillu arlaatigut ernumanartumik meeqqamut pisoqarnissaanik aarleri-nartoqarpat suligasuarsinnaaneq qanoq piaartigisumik Kommuninut piunnaasaataa-sinnaava?

Aallarniutigalugu erseqqissaatigineqarsinnaavoq, Inatsisartut inatsisaat nr 20, 26. juni 2017-imeersumi § 2 imm. 1 naapertorlugu aalajangiinerni meeqqamut pitsaa-nerpaaq tunngavigineqartarmat. Taamaammat meeraq kinaluunniit atugarissaarluni, peqqissuulluni, toqqissisimalluni patajaatsuumillu peroriartornissaa il. il. siunertaralugu kommunalbestyrelse eqeersimaartumik suleqataassaaq. Tassaapput pissutsit taakku meeqqap angajoqqaaminut uteqqissinnaanera pillugu kommunalbestyrelsip aalajangiinermi ilanngussassai.

Taassuma saniatigut akissutissamut apeqqutaavoq, meeqqamut pissutsit kinguartinneqarsinnaanngitsut ernumanartullu sumi pisimanersut.

Meeraq ernumanartunik iliuuseqarsimappat kommunalbestyrelsimiit piaartumik iliuuseqartoqarsinnaanngilaq, kisianni meeqqap pisariaqartitaanik ajornartorsiutaanillu pitsaanerpaamik aqqiissuteqarniarluni ikiorsiinissamut iliuuseqarniarnermi meeraq angajoqqaallu oqaloqatigineqassapput. Tamatuma kingorna meeraq oqaloqatigineqassaaq, isumaginninnikkut sulinermi misissuinermik kiisalu iliuusissatut pilersaarummik suliaqartoqassalluni.

Ilaqutariinni paarsisartuni imaluunniit illoq unnuarlu paaqqinnittarfimmi ernumanartunik utaqqinneqarsinnaanngitsunik pisoqarsimatillugu Ilaqutariit paarsisartut pillugit Namminersorlutik Oqartussat nalunaarutaanni nr. 17-imi, 8. decembari 2017-imeersumi § 15, imm. 5 tunngavigalugu meeraq ingerlaannartumik peerneqarsinnaavoq, meeqqap atugarissaarnissaanut, peqqissuunissaanut ineriartornissaanulluunniit annertuumik innarliisoqarsimaneranik pasinnittoqarnera pissutigalugu makku tunngavigalugit;

- 1) meeqqap naammanngitsumik isumagineqarnera imaluunniit passunneqarnera,
- 2) timikkut tarnikkulluunniit persuttaaneq, paarsinerlunneq imaluunniit kinguaassiuutitigut atonerlunneqarneq,
- 3) Atornerluinermit ajornartorsiutit, pinerlunniartutut pissusilersornerit allatigulluunniit meeqqap inooqataanerani ajornartorsiutit annertuut, imaluunniit
- 4) meeqqami imaluunniit meeqqap qanigisaanik pissutsikkut imaluunniit naleqqus-sarnissamut allatigut ajornartorsiutit,

Taakku tunngavigalugit kommunalbestyrelsen meeraq angajoqqaarsianut allanut, paaqqinnittarfimmut, nammineq ilaqutaanut allanulluunniit nuussinavaa.

3. Meeqqat tapersersorneqarnissaanut Inatsisartut Inatsisaat nr. 20, 26, juni 2017-meersoq naapertorlugu meeqqat angajoqqaaminut sapinngisamik piaartumik uteqqissinnaanerit angujumallugu Naalakkersuisut erseqqissanis-saminut suliniuteqanngillat?

Meeqqat tapersersorneqarnissaat pillugu Inatsisartut inatsisaat nr. 20, 26. juni 2017-imeersup siunertaa tassaavoq meeqqat tapersersorneqarnissaat illersorneqarnissaallu, tassanilu pingaartumik meeqqat inooqatigiinni ajornartorsiortut inuiaqatigiinni illu ikiorserneqartariaqartut sammineqarput. Meeraq pillugu aaqqiissuteqarnerni ilaqqat ilanngullugit eqqarsaatigineqassapput.

Taamaamat ingerlatsinerup saniatigut ilaqqat pingaarnepaajutillugit inatsit suliarineqarpoq. Meeqqat pisinnaatitaaffiik nukittorsaanissaq, aammalu meeqqat Kallaallit Nunaanni peroriartortut tamarmik pitsaasumik toqqissisimanartumillu peroriartornissaat tassani nammineq nukimminnik atorluaasinnaanissaannut sinaakkuserneqarnissaat politikikkut ataatsimoorullugu kissaataavoq. Ilaqutariit tassani nukissani taakkunani akunnaquteqanngitsumik ilaapput. Inatsimmi siusissukkut iliuuseqarnissaq pinaveersaartitsinissarluk ukkatarineqarput, taamaaliornikkumi siunissami meeqqat angerlarsimaffiup avataanut inissinneqartartut ikil-neqarsinnaapput ilaqutariillu nukittorsarneqarlutik.

Inussiarnersumik Inuulluaqqusillunga


Sara Olsvig

Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoq